

四庫全書

集部

欽定四庫全書

集部
玉筭集卷四

詳校官中書臣孫銜

中書臣劉源溥覆勘

總校官進士臣朱鈺

校對官編修臣錢樾

謄錄監生臣沈錫爵

欽定四庫全書

玉筍集卷四

七言律詩

美新淦曹明府招

聖德如天極海涯
縣公鳧舄到荒遐
金陵地接二千里
紫淦春回十萬家
案牘庭中飛鳥雀
絃歌城外種桑麻
才名不獨傳京國
庾嶺南來衆口誇

明 鄧雅 撰

寄毛弘濟時寓玉笥山中

昔年為客厭風沙長嘯歸來鹿引車樓上一簾青嶂雨
洞中千樹碧桃花攜琴每訪神仙宅納履曾辭富貴家
可嘆別離經歲月寄書長是隔烟霞

菊花枕

采徧東籬一萬叢繡囊盛取枕秋風寒香正在頭顱上
粉蝶還來夢寐中彭澤風流千載舊邯鄲富貴一時空
讀書未老雙瞳暗得爾全勝服食功

鍾陵懷古

一聲畫角城頭月吹破鍾陵萬戶秋南雁不知天地老
西山猶帶古今愁滕王閣上驚塵入孺子臺前戰血流
惟有神君留鐵柱千秋萬歲鎮靈湫

大風詩次韻

陰壑霜飛應早冬又拈騷筆賦雄風山河只在寒聲裏
草莽同歸殺氣中黯黯塵沙飛白晝飄飄鷹隼上晴空
曾聞漢主歌豐邑猛士能成萬里功

清明

落花芳草燕爭飛
寒食清明客未歸
山遠定勞慈母望
地偏真與故交違
十年書劍嗟何補
二頃榛蕪悟昨非
羈思不堪長繾綣
幾回愁絕送斜暉

甲午歲饑民間采薇代粟

庾廩多時劫火焚
凶年藜庶食薇根
青山曉劔雲垂擔
白水宵澄月映盆
老婦作成心獨惜
嬌兒求飽手爭捫
大官每日饜粱肉
此味誰將與細論

東姚觀海

一村烟火接隣居來往清談也自娛顧我只為文字苦
看君不受利名驅松邊亂復成茅屋花外晴來置酒壺
莫怪近年相見少隴頭時復帶經鉏

和艾子村有感

生不逢時奈若何六年喪亂飽經過聞雞自笑劉琨舞
扣角誰憐甯戚歌華屋兵餘芳草合小園春盡落花多
躬耕豈是男兒事勗爾明經赴後科

和龔先之陪定子靜宴臨清樓所作

小隊同遊趣不稀
元戎應恨得君遲
草肥沙上青驄馬
日絢城頭赤羽旗
紫酒臨風娛翠袖
膽瓶和露挿花枝
幕中賓客如君少
橫槩間能共賦詩

和張伯溫秋興三首

知君隱處白雲峰
俗意都無在眼中
樹底宴酣思臥石
竹間棋罷欲乘風
冥心會究天人學
老筆能參造化功
稍待塵清無戰伐
袖書還謁帝王宮

井梧搖落露漙漙。客子愁懷強自寬。題柱昔如司馬壯。
賦詩今作孟郊寒。君從廢後榛蕪盛。道至窮時出處難。
安得南州早寧靜。讀書耕稼足為歡。

白雲深處掃莓苔。坐嘯蒲團日幾回。中野只聞豺虎鬪。
空庭那見鳳凰來。將非李愬參油幕。士倣陶潛託酒杯。
時世不同家業盡。華門斜傍竹籬開。

和陳積中見寄二首

華館春風綺席寬。綠楊斜蔭石闌干。鶯黃杜酒浮銀甕。

雪白吳鹽出翠盤
花外筍輿添散逸
行間棋局樂平安
主人好事能供給
長鈇由來不用彈

麻鞋緊繫布袍寬
世事紛紜總不干
泛菊每求陶令酒
盛蔬擬借石生槃
家貧最喜庭闈健
主聖終期社稷安
况有故人能慰藉
取琴同坐竹邊彈

壽陳敏學

聞道巖前九節蒲
服之還可上蓬壺
不勞更問安期訣
政好閒觀老子圖
長夏清風生檜柏
老年紅日在桑榆

有時讌客華堂上一炷沈烟裊鴨爐

奉呈族叔

雪洒梅窗酒共斟一時風致百年心
杜陵亂後居茅屋阮籍閒來訪竹林
鏡裏不曾看白髮牀頭休恨散黃金
古來賢士多貧賤留得聲名直到今

別陳積中

石橋山路雪霏霏十里寒梅照客衣
宗慤謾懷投筆去陳搏還喜束書歸
萬株松桂烟霞老二頃田園雨露肥

想得故園今夜月弟兄尊酒奉庭闈

奉答陳三逕

先生寓隱南溪上絕勝王維住輞川
裊裊釣絲閒白日悠悠簫管醉涼天
松杉午蔭門前路鵝鴨秋盈雨外田
何必更為干祿計詠懷時有白雲篇

犬吠雞鳴宅舍偏武陵風物晉山川
玉堂金馬知何處流水桃花別有天
李白英雄偏愛酒韓公老大欲求田
向來賴寄新珠玉報答終慚月露篇

和何克敬春行

久別雲林學道人不知何處復相親
數聲啼鳥千山雨萬箇垂楊一市春
漁釣昔聞周隱士謳吟今作漢遺民
南隣及見新題在把卷臨風字字珍

題張行之所藏梅竹圖

一幅輕綃寫梅竹幾多清致在毫端
嶺南生意東風早淇上繁陰六月寒
止渴擬求經雨實釣魚曾斬拂雲竿
如今只恨無韋偃添畫青松取次看

奉和曾伯曼韻

廬陵學者皆名流一士肄業韓堂秋飛騰未得進士舉
模範獨許鄉人求春風童冠樂吟詠暮雨江山懷釣游
近日傳聞避豺虎舉家寄食來吾州

家舅和前韻示余因再用韻奉寄

南郊廟前溪流紫蓋峰下梧桐秋片雲相隔不可會
兩屨未閒何所求荒城厭見豺虎亂深谷喜同麋鹿遊
吾舅安居莫歎息杜陵多難留鄜州

贈相地宋以文

曾把青囊參妙處還令白骨感恩深山中幸有寬閒地
世上誰無富貴心萬壑松風聞虎嘯五湖烟水聽龍吟
登臨莫怪興亡事花落花開自古今

奉柬曾進士得之

翠屏萬仞摩蒼穹下有志士才且雄讀書不厭一萬卷
食祿猶待三千鍾大鵬低飛簸海水老鶴獨立鳴天風
常時慣見車馬客開館坐對仙巖松

題南山西嶽行祠

山靈昔報熊羆夢野服重登虎豹闕萬里青雲渠有待
九重恩命帝仍頒縣崖疊嶂烟霞濕古木蒼藤雨露閒
欲訪雲儲修煉法珮聲疑向月中還

走馬燈

絳紗籠子夜通明戲馬盤迴不暫停謾想龍媒追電火
恍疑熒惑犯房星光騰不照闔山路影動還依錦繡屏
多少駕駘空食粟獨能焜耀使君庭

用韻答謝彥質

謝家池上又逢春，坐見東山氣渾淪。
千畝竹松宜獨隱，一簾風月愛清貧。
鹿門自可攜妻子，宣室毋煩論鬼神。
舊業儘隨征戰盡，底須愁嘆似盧綸。

雪用家舅從吾先生韻時和者數人

六花飛逐北來風，白戰諸朋各論功。
歧路不分夷險處，灞橋那得往來通。
光涵萬仞神仙窟，凍合千尋海若宮。
欲采黃精迷處所，短衣愁殺杜陵翁。

文彬借前韻見示用隱居之興答之

布衣長日坐松風肥遯慚無濟世功
海上欲尋蓬島去花間疑與武陵通
烟霞碧嶂羣仙府風雨蒼苔一畝宮
多謝吾宗頻顧問儒生今學采芝翁

迎薰棋墅為張仲倫賦

五畝田廬一澗雲紙屏楸局坐南薰
子聲頻向花陰落爽氣還從樹底分
王質看回人寂寂有虞歌後世紛紛
君侯不是無心者夜雨燈窗復綴文

送艾錄事元暉赴名

玉筍山中采藥苗，金陵臺上有書招。
夷齊守義慚周粟，賈董懷才入漢朝。
雁背冷雲天漠漠，馬頭荒草路迢迢。
不知鳳去曾回否，洗耳高臺聽九韶。

次韻答陳學之

經年不見陳公子，臨眺湖山樂未休。
海鶴晝歸雲表樹，岸花晴照水邊樓。
文章自許唐人並，曠達須從晉代求。
多謝向來詩句好，月明思泛剡川舟。

送蕭子雅往新喻省墳墓

渝川一水淨如練百丈諸峰高
挿天喬木半存兵火後
白雲多傍塞鴻邊君從此處尋先隴
我寄哀吟弔昔賢
千古文章惟老范石麟埋沒草芊芊

和周德川春夜聽雨

山雨瀟瀟雞亂鳴竹林風起薄寒生
斜霑筆架應千點
暗滴苔階正五更樹尾殘花從擺落
隴頭嘉穀自生成
只憐未罷東吳戰徧野屍骸不可耕

題梁徵君石門精舍

白雲長鎖石門山，翠壁丹崖不可攀。
千載清風在喬木，九秋白露汎崇蘭。
衣冠自可同園綺，道德猶思述孔顏。
莫怪韜光老巖谷，幾多膏馥在人間。

壽吳六舅從吾先生

扁所居曰
老吟堂

羣玉山連白石莊，南箕星照老吟堂。
盤分碧藕期千歲，律中黃鍾復一陽。
天地已知吾道長，雪霜應任鬢毛蒼。
因公却憶磻溪叟，八十猶能事釣璜。

寄建陽司訓陳允章二首

江亭駐馬曾相別，一去甌閩歲月深。
天上豈無攀桂手，海頭還有釣鰲心。
典謨擬贊唐虞治，翰墨尤工鮑謝吟。
亦有近題三百首，煩君傳作治時音。

玉笥峰前是我家，數間茆屋白雲遮。
臨池洗硯魚吞墨，入洞尋真鹿引車。
萬事無心從白首，長生有訣服丹砂。
期君蚤上朝元閣，莫學青門老種瓜。

送劉進士允泰赴召

故家文獻春秋學亂後還山臥白雲聖代忽聞徵賈誼
才名終不負劉蕢六朝帝業山河在萬里天衢雨露分
為報鳳凰臺上客幾人漁釣楚江濱

楮衾用貫酸齋蘆花被韻

楮衾如雪絕纖塵穩臥還須藉布茵一片白雲松下榻
五更明月夢中身惟應紙帳堪同調祇恐梅花亦笑貧
羸得素風含混沌夜寒一照便回春

山中答友人

曉晴空翠濕衣衫
晝靜烟霏接洞巖
茅屋有詩題歲月
桃源無路隔仙凡
閒看碧柳常開戶
喜劇黃精獨荷錢
多謝故人頻問訊
駘今幸脫羈銜

別陳自得

四年來往槎溪路
踏破溪邊幾片雲
歲晏可憐猶是客
情深那忍即辭君
故園梅蕊還相憶
後夜猿聲不可聞
我正黑頭君未老
一尊他日更論文

廬陵

關

寺僧玉鑑之母因亂流離不知所在玉

鑑思念不已語及輒流涕乃白佛願長齋十年賣藥以資道里之費求母所在越數月遽得母書而奔走奉迎以歸甘旨無不具嗚呼豈非墨名儒行至孝而感鬼神也哉廬陵之能文者敘其事余亦喜而作詩題其後

離亂多年不見親每聞烏鳥動酸辛佳音忽爾傳鄉邑至孝由來感鬼神塵外緇衣惟白業人間綵服適青春知師賣藥營甘旨黃蘗何堪更比倫

寄劉季恭

何君巖上涼如水曾與彈琴坐石牀
夜久松風吹鬢髮月高花露濕衣裳
別來每記當時樂老去終非少日狂
何日重尋舊遊處洞仙頻約醉壺觴

毛敬諭見過自云薦賢多矣然為國而非為私也

余深美之賦此為贈

字弘濟文江人神童之後

幾人名在薦賢中黼黻斯文大有功
玉遇卞和應價長馬逢伯樂始羣空
門前桃李多時滿天下車書此日同

顧我無才兼母病不辭茅屋聽秋風

和曾叔子山居韻

盛時樓閣倚苔莢亂後幽棲興轉饒晴日捲簾花照地
晚涼吹管鶴沖霄擬尋黃綺居商嶺懶學嚴徐入漢朝
明日登臨向何處看棋應逐洞中樵

廖山立自號海桴賦此為贈

雁叫西風海國秋乘桴萬里興悠悠宣尼已去同誰往
徐市應能共子遊幾向夢中尋閬苑更於何處辨瀛洲

金史卷之八十三
卷四
天邊明月清如許不載紅塵一點愁

客中有感用韻呈丁御史

百花時節雨疎疎未得還家訓阿符常恐白頭虛歲月
且將黃卷理蟲魚長吟慷慨思歸日舊業蕭條戰伐餘
却羨故人丁御史題橋不愧馬相如

牡丹用子堅韻

東風微雨過園亭國色朝酣近玉瓶銜去只須防白鹿
開時還似綴紅翎春融幾處繁華地香逐誰家縹緲軒

聞道洛陽花更好滿城如錦照青冥

送道士鄒泰宇祠親後還山

學道山中知幾春
蓼莪詩廢重思親
還家為奏生天籙
入洞仍隨采藥人
但使鄉閭稱孝行
不妨林壑寄閒身
題詩送別情如海
他日烟霞願卜隣

賀鄧尚之除豐城虞衡

獻賦曾聞上玉京
還鄉人羨錦衣榮
論交未可輕貧賤
託好由來擬弟兄
萬里雲霄初發軔
半生湖海却馳聲

金剛口石金三
卷四
何當便把豐城劍且跨洪濤斬怪鯨

癸丑九日重登翠屏山

去年此日屏山飲醉挿黃花一兩枝歲月已同駒過隙
江山重待客題詩玄崖聳處雲霄近白鳥飛邊徑路危
南望故園烟樹隔慈親應念到家遲

用子堅九日登高追和杜牧之韻

林下西風赤葉飛山頭幽徑紫烟微菊花更約明年賞
客子曾孤此日歸時序百年懷往事江山千古帶斜暉

曾聞神武掛朝服甘向人間作布衣

重遊何君巖東王何二高士

紫霄巖畔重遊日澗水松風五月寒潭影靜觀雲漠漠
藤陰危坐石團團樵人解識衣冠舊羽士能留洞府寬
自笑塵緣今未滿幾時同跨月中鸞

何同理和前韻見寄再用韻奉答

月輪初上綵雲端巖穴風生洞府寒直欲仰天攀桂樹
偶然吹笛坐蒲團龍光上屬星辰遠鶴駕東來海水寬

笑問何仙在何許夜深應共汝乘鸞

又答婁良器

閒把新詩卷裏看風流不似孟郊寒才高共惜年猶小
別久還驚月又圓庭樹葉飛秋思闊塞鴻聲斷海天寬
明朝擬訪嚴君去為說名家有鳳鸞

又答曾彥敬

林下柴門傍水安滿林風露桂花寒層崖聳翠千尋險
明月當空一鏡圓雲氣恍疑蓬島近水光猶似鑑湖寬

無窮物色誰能賦同輩文章五色鸞

送家舅吳先生往池州尋子時居虞衡之職

池陽副使心如水玉筍先生鬢若絲千里江湖憐遠別
三年父子費相思微茫暝色沙頭樹慘淡離情卷裏詩
目送雲帆烟水闊梅花開後是歸期

寄何伯善先生二首

華蓋峰高聳碧霄先生棲息絕塵囂門前松菊存三徑
事下文章冠六朝雅道久時傳弟子官情今已託漁樵

相知最恨相從晚，悵望雲山百里遙。

浮生已入無聞境，幾度臨風感慨深。朽腐不堪同草木，
辛勤猶自惜光陰。藏書小結山中屋，對月常彈膝上琴。
一寸苦心誰為寫，先生留墨重千金。

夜雨倏霽，月色清朗，起視天宇，悵然有故人之想。
遂賦此奉呈婁君仲實，為翌日遊巖之約云。

向夕篝燈風雨聲，中宵啓戶月華明。青天萬里看無盡，
旅館三更睡不成。才薄豈堪明主用，交深長憶故人情。

重巖細菊仙家酒明日相期作伴行

奉和丁御史遊南山韻

六石參天頗怪竒白雲深處有靈祠
山開萬古烟霞洞松偃千年雨露枝
仙客吹笙同子晉居人學圃愧樊遲
從今此地還增價崖壁長留御史詩

丁御史枉顧山房不遇留題而去依韻奉謝

山中朝來澗水平黃梅雨歇松風清
仙翁采藥久忘世野人卜居聊治生
耕烟閒放草間犢伐木喜聞林外鶯

繡衣枉駕失迎候，賴有小兒知姓名。

次丁御史題羣玉山房韻

我家舊宅如蜂房，移居竹圃安蒲牀。
牀頭惟有書劍在，屋裏更無儋石藏。
靜愛吟詩宗鮑謝，閒思開筵接求羊。
先生肯作漁樵伴，却笑時人逐利忙。

壽何編修願夫

馬蹄曾踏燕山雪，鶴氅仍棲玉笥雲。
細閱丹書多道氣，靜隨流水絕塵氛。
樓前碧嶂松千尺，天際涼風鶴一羣。

滿引霞杯開綺席綠衣環侍總能文

題鼇溪廖氏池亭用鄧伯明韻

龍門山中小有天華亭縹緲來飛仙石潭今古浴明月
源水日夜流清川松杉雲表自鬱鬱蘭菊霜後猶鮮鮮
天生好景入圖畫何時登覽陪諸賢

寄鼇溪程則敬

龍門山中有奇士杜門不出鬚眉蒼收書隱几窗月白
岸憤坐石松風涼心輕軒冕慕丹訣志在山水談青囊

相思不見勞夢寐送別賢郎心愈傷

耕樂為豐城徐以觀賦

蚤年勤學著才名晚歲躬耕樂太平
白水滿田科斗出黃雲垂隴鷓鴣鳴
帶經或向桑陰坐飲犢時從澗畔行
自是鹿門堪隱逸只愁天遣使車迎

臥雲窗為簡伯原作

竹牀何處宜高臥玉笥西頭有白雲
陰過石欄常縹緲氣通窗隙更氤氳
衣裳潤透秋先到林壑寒迷日易曛

我亦山中臥雲者不思弘景即思君

筠雪齋為豐城黃尚英作

黃家移種瀟湘竹歲晏相看雪滿林
白處恍疑仙鶴立靜中如聽老龍吟
冰凝翡翠清無敵人倚琅玕冷不禁
何日雪中逢老可臨風一筆直千金

寄高博士允憲

天上曾聞博士徵山中每憶故人情
文章禮樂當時重富貴功名一羽輕
老去定知添白髮退歸那得服黃精

思君永夜瞻天象，還應微垣第幾星。

送孫昌言之官廣東

十年勤苦抱遺經，留得巖東映雪亭。
獻賦已趨雙鳳闕，之官又向五羊城。
西風落日傷離別，瘴雨蠻烟待送迎。
莫道遐荒淹僑軌，隱之曾此著嘉名。

寄曾孫稼劉彥文二公俱授徒清江

蚤聞曾氏傳忠恕，復憶劉幾置墨莊。
喬木至今齊闕閱，衆星猶自煥文章。
兩家託好絲蘿舊，百里攜書道路長。

為寫新吟寄飛雁暮雲翹首意蒼茫

挽何仲疇

南朝人物數君家異代興衰一歎嗟
獨羨中流存砥柱那知清骨葬烟霞
詩書在笈從兒讀翰墨留香與世誇
重過東橋堪洒淚春風吹落墓前花

挽婁仲賢

翰墨論交四十年客中聞訃獨潸然
懷才祇向空山老繼志終看令子賢
萬卷詩書存舊業千年松柏表荒阡

金剛經卷四
卷四
欲知化鶴遊何處玉笥峰頭訪十仙

用韻答何大鏞朱學淵

才俊紛紛總入朝此生祇合老漁樵
春秋未解窮三傳大學徒能究八條
物外無心超世網閒中有味酌山瓢
故人亦肯憐幽獨尋訪頻能過石橋

寄周存誠

百花寺裏曾相問報道攜琴正出遊
惆悵不知何日會蹉跎又是兩星周
黃蘆白雁官洲月古木寒藤玉笥秋

兩地相思千疊意不堪吟倚夕陽樓

謝胡廷琛惠智永千文及藤杖

數載論交樂有餘眼中高誼更無如藤分九節堪扶老
帖賜千文許學書燕子日長揮翰墨桃花春暖步郊墟
臨風感佩殷勤意欲報瓊瑤乏所儲

贈鄭山人

千里江山一瘦筇幾多佳勝在胸中神蹤不悶牛眠處
古葬猶存馬鬣封金盃玉魚追往事黃鸝碧草自春風

登臨不用懷傷感萬古金陵氣鬱蔥

曾尚迪見訪失迎又辱寄詩奉答

懶慢無堪不出關喜觀書卷倦登山偶尋芝朮穿雲去
却伴漁樵帶月還客至未同今日會鶴歸相對老夫閒
來詩細把燈前讀有約重論足慰顏

何大韶見訪偶出失迎留題而去用韻答之

道人采藥不曾閒朝訪南山暮北山豈意軒車能遠出
却過蓬葦竟空還石泉未得同清賞詩句能題慰老顏

自是陽春真寡和妙音還在盛唐間

題教膳部歸隱卷

承詔曾趨玉几前蕭蕭白髮許歸田誰知鼎鼎調羹手
却校雲林種樹篇琴鶴共消閒日月樓臺長挹舊山川
朝廷有道尊年德優賜行看下九天

題廖善立攬勝樓

層構巍峩傍水涯幾陪名勝躡仙梯九秋風月鈎簾處
百里江山注目時黃鶴每當瑤席舞白雲時遠畫梁飛

知君老去風流在長日簪花醉玉卮

寄西鄉同宗尚志

喬木千章倚碧雲幾回西望祇思君
舊家文獻今猶昔百世衣冠子又孫
遠道每憐難會面高秋還擬一過門
寄詩謾寫殷勤意水木當知共本源

送內弟吳子充之福州竹木場大使

萬疊雲山赴七閩一官猶似舊時貧
朝廷不是勞征伐梁棟由來屬選掄
芳草綠時兄送弟荔枝紅處子思親

傍人莫笑干微祿毛義終為孝行人

送何端夫西遊

數聲寒雁楚天秋目送雲帆萬里遊
海宇只今無戰伐山川是處入吟謳
曾聞鑄劍成干莫祇恐乘槎犯斗牛
我欲隨君慚倦翼夢魂飛到海西頭

寄崑縣主簿鄒應端

會稽山水天下奇縣舍還聞對剡溪
雲合四山環翠色月明一棹弄清漪
官閒不盡登臨興道遠寧無故舊思

最喜素藤明似雪因風好寄近題詩

寄胡彥清彥忠昆季

伯仲才華邁等流明時未許老林丘行看一鷄橫霄漢
已見雙龍射斗牛剪燭每懷良夜宴棹船難共此時遊
相思目送南飛雁腸斷西風起別愁

寄王鍊師時中

道人家住玉山隈繞屋青松一萬栽六月檄龍天上去
九秋騎鶴月中回能揮寶劍除妖魅解使靈臺絕點埃

何日攜琴一相訪
洞門春暖碧桃開

寄曾主簿伯曼

玉笥山前話別離
臨風猶記把征衣
暮雲悵望如千里
夜雨重論復幾時
風急楚天寒雁過
月明崖樹老猿啼
知君自得烟霞趣
一度登臨一賦詩

和北平檢校謝叔賓

小年曾擬上幽燕
老去仍棲玉笥前
種秫欲求田二頃
窮經初學禮三千
晝閒樹影琴邊落
夜靜溪聲枕上傳

寂寞山房求賦詠思君點檢白雲篇

丁巳十月余偕鞠孟端曾伯曼龍恒泰姚子南子
深從弟彥章遊玉笥夜宿法樂洞天分韻得仙字

涉澗捫蘿入洞天冷風吹面鬚蕭然白雲厓壁三千丈
劫火丘墟二十年喜有丹書藏石室肯留詩客臥松煙
夜深月冷聞天樂疑是瑤臺宴十仙

題道士陳玉京奉旨降香卷

代祀霍山羞壁幣退歸玉笥臥烟霞洞天明月一雙鶴

澗水碧桃千樹花
寶匣藏龍騰紫氣
藥爐伏火養丹砂
長生有道誰能似
歲歲朝元玉帝家

次劉觀瀾為題羣玉山房韻

自笑鄙夫耽野趣
結茆相對白雲岑
蒼苔古木門前路
明月清風世外心
倚劔秋高看鶴舞
吹簫夜半作龍吟
故人若許來相訪
祇向棲霞谷口尋

送何同倫攜家之武昌尋弟

令弟久為湖廣客
好音還到淦江城
一家十口相從日

金華山志卷四
萬水千山送別情黃鶴樓高明月滿翠屏山好暮雲橫
知君此去難重會後夜相思百感生

挽紹蘭長老

齊已才名自不羣遠公禪學更無倫曾同寺裏看明月
忍向山中哭白雲法相本空心自悟去來無礙道長存
誰知一滴曹溪水洗盡人間萬劫塵

次胡仲宣題山房韻

澗上漁樵隴上雲此身甘與鹿麋羣白雲冉冉峰頭見

流水泠泠竹下聞
崖石倚天猶鐵色
莓苔經雨自花紋
勞君遠寄山中詠
絕勝天葩吐異芬

和何質夫見寄

我遊羣玉烟霞洞
爾愛東橋水竹居
兩地共憐風景好
十年真與世情疎
秋風白酒巖前菊
夜雨青燈案上書
多謝向來貽錦字
至今光彩照茅廬

寄廖縣丞止信

遠樹微茫帶白雲
可堪離思日紛紛
數千里外聞歸隱

二十年餘不見君陶令蕪田今種秫杜陵樽酒擬論文
何時一訪梅花處坐挹清風愜素聞

所居扁有
梅花處

用韻答黎時高

白雲紅樹晚晴餘客子憑闌嘆索居搖落又驚時序改
衰遲已覺鬢毛疎囊收枸杞還堪服架束溪藤久廢書
多謝故人能下榻幾回高枕似吾廬

為曾指揮題漢文帝細柳營勞軍圖

門深細柳未曾開持節方知大駕來天上恩光明日月

營中號令肅風雷
匡扶帝業非兒戲
竦動天顏羨將才
千載功名見圖畫
臨風還拂舊塵埃

簡黎祥叔

長身如鶴臉如霞
俯仰乾坤傲歲華
京國壯遊成舊夢
滄洲小隱似仙家
鳴琴夜對尊前月
攜杖朝尋洞裏花
我欲從君玩竒寶
玉堂詞翰最堪誇

學士歐陽圭齋危公
太朴有詩文贈之

洪武士戊夏六月詔徵天下賢良赴京擢用雅以
非才例蒙郡舉而適嬰疾病乃懇辭既歸辱親故

金史四庫全書
卷四
枉問賦此為謝并述鄙懷

秋風蕭颯鬢毛衰，懷抱無因得好開。
林壑獨棲嗟已老，朝廷三聘愧非才。
乞歸幸遂丘園樂，問訊多煩故舊來。
謾寫新吟謝知己，不妨共醉菊花杯。

題嚴氏水竹居

清江江上足田廬，獨愛嚴家水竹居。
林合翠光浮几席，池分清潤到階除。
參差夜月棲鸞鳳，蕩漾春風戲鯉魚。
何日臨流一題詠，琅玕節下為君書。

春望和黎時高韻

俯仰人間歲月流，偶同春望興悠悠。
桃花掩映東西岸，烟水微茫上下舟。
白酒香生茆店裏，黃鸝聲在樹枝頭。
錦袍年少誰家子，走馬看花樂未休。

贈醫師湯謙亨

汴梁未住葛溪濱，南渡衣冠子又孫。
見說醫傳十六世，不知功活幾千人。
懸壺物外乾坤小，種杏雲中雨露均。
莫向明時甘隱遯，宣和曾著舊功勳。

其遠祖平叔宋宣和間醫官

寄郭都事就覓藤杖

屏山分首經年別，嶺海休官幾日還。
富貴已看榮故里，恩威尤喜化諸蠻。
馬援薏苡何須載，陶令金英自可餐。
老我平生惟隱遯，擬求藤杖共看山。

送永豐曾仲省赴召

螢窗苦學擅才名，鶚表橫飛被寵徵。
白髮千絲憐我老，青雲萬里壯君行。
文章盛代宗西漢，日月中天屬大明。
入覲宜陳治安策，賜官應校石渠經。

寄黎子謙

抱琴曾訪碧山阿回首西風別恨多
謝眺詩情元不減杜陵肺氣近如何
投閒慎勿憂餘事養性偏宜飲太和
況喜山中有芝朮不妨頻采入烟蘿

送鄧吾貫往山東覲省

二十年餘隔清溫三千里外奉晨昏
關河不憚驅馳苦天地難忘鞠育恩
卷裏贈言勞柱史山東衣綵拜轅門
嚴君若問家鄉事松菊依然滿故園

滄洲秋夜對月

長年為客寓滄洲
時序堪驚興頗幽
明月正當書館夜
西風先動桂林秋
乘槎萬里思河漢
倚劍三更望斗牛
老去尚餘豪氣在
浩歌聲落大江頭

挽曾隱君大雅

生長屏山孝義門
兩朝文物古風存
菊松長日為賓主
詩禮平生教子孫
每喜從君論雅道
不堪揮淚弔孤墳
傷心最是山頭鶴
飛去飛來為失羣

挽曾主簿伯曼

曾承恩命佐殊邦多病歸田檢藥囊玉樹忍看埋土壤
朱絃無復奏宮商千金子壯心何恨萬卷書存業未荒
惆悵舊遊今已矣山房題詠墨猶香

挽廖縣丞止信

盛時文物晉風流天上歸來雪滿頭富貴十年成往事
衣冠千古葬荒丘騎龍無復朝雙闕跨鶴猶疑在十洲
一曲哀歌兩行淚飄零遺藁付誰收

無後有集曰
竹素園藁

題從弟彥彰擁翠樓

樓倚東南萬疊山捲簾山勢盡迴環天開圖畫烟雲裏
風引笙竽竹樹間詞客燕酣歌嫋嫋仙人飛過珮珊珊
能修五鳳誇韓洎愧我才疎鬢欲斑

御史丁公子堅與余為金石交而經歲不面殊抱
怏怏甲子冬公重遊玉笥留舊館信宿既去余始
自外歸為之悵然賦詩寫情因錄奉寄

壯節高標御史公雄文佳句盛唐風飛騰已羨同鷗鷖

離別那堪似燕鴻窗外月明梅自發
甕頭春暖酒偏濃
無由一遂重論約翹首東南望葛峰

送姚公獎往吉安府學從丁先生讀書

螺山雲白鷺洲晴送爾攜書赴郡城
庠序共談新禮樂絃歌仍是舊師生
劒藏寶匣光猶見玉遇良工器始成
老我無庸還拭目圖南指日化鯤鵬

送姚孟才往淮安省親

寧親遠向淮安去把卷臨風索我題
豈有才華當世重

深知孝行古人齊
江天日落雙鴻遠
沙草秋高萬馬嘶
聖代祇今多雨露
將車應值放還時

答石室朱學淵

萬壘峰巒翠湧波
君居石室興如何
雲迷老樹棲玄鶴
雨過平池泛白鵝
看奕已驚塵世換
衛生猶喜古方多
何時一訪烟霞裏
徙倚丹崖共嘯歌

和丁御史子堅夏夜作

暗水無聲傍竹流
棲禽未定忽啁啾
月當虛牖纔深夜

風入高松似早秋，壯節有懷丁御史。
舊家空憶漢諸侯，文章黼黻山房重。
一榻蕭然也自由。

寄劉尚書子高

幾回獻賦登青瑣，一笑還山臥紫烟。
詰命已榮天子賜，文章猶重世人傳。
玄都任種桃千樹，栗里宜耕秫滿田。
久仰高名誇盛業，却慚疎懶負華年。

和何大韶韻

白雲深處結茅廬，門掩松筠宿雨餘。
正爾尋仙遊洞府，

不知騎馬到階除
莓苔未埽經行跡
蕉葉仍留去後書
近辱貽詩多好語
始知名下士非虛

送陳伯良之京

蚤歲從師入泮宮
盛年獻策吐丹衷
九天雨露期沾沐
萬國衣冠喜會同
世正須談禮樂銷
兵已見樂耕農
朋遊闕下如相問
白髮蕭蕭左耳聾

山中和黎時高

學道猶疑隔兩塵
仙葩采徧萬山春
丹崖翠壁清高地

野服黃冠自在人，跨海未騎千歲鶴。
燒丹還養百年身，知君亦有求仙意。
羣玉峰頭日可親。

挽李次晦

曾向天門聽珮珂，復歸林麓臥烟蘿。
家聲舊說西平後，堂構新成玉笥阿。
止喜菊松娛晚節，不堪歲月抱沉疴。
俯然一去成千古，四海朋游涕淚多。

答外甥吳克善惠硯

吾甥遠寄端溪石，留向窗間伴老吟。
試墨已看生黑霧，

傳家尤勝蓄黃金一泓潤澤含元氣半世研磨用吾心
攜到玉堂須有分老人期望後人深

雪中眺望

雲暗江南萬里天雪寒村落幾家烟梅花不辨溪頭樹
鶴駕虛迎海上仙已喜乾坤消沴氣佇看田野樂豐年
閉門不作袁安臥驢背吟詩擬浩然

小樓閒眺

江上歸來歲又殘倚樓無事祇看山筠松暝合微茫外

霧靄晴分紫翠間，靜處乾坤真可樂。
浮生塵土復何顏，舉頭忽見丹霄鶴。
載我游仙也未難。

江上歸山中訪友

曾向烟波弄釣船，復歸茅屋聽潺湲。
閒情一片宜松竹，白髮千絲照簡編。
物外乾坤逢泰運，山中風雪度殘年。
興來更把枯藤杖，尋訪梅花洞裏仙。

題醫師王允中松下對奕圖

曾向松根斲茯苓，更依松影對楸枰。
延齡有待三千歲。

金瓶梅詞話卷四
勝敵何須十萬兵，動靜死生元自識。功名富貴本來輕，
爛柯莫問當年事。看取金丹九轉成。

寄姚玄齋兼柬陳學正

杏花時節喜相過，蓬鬢蕭蕭醉臉酡。把臂欲留情更苦，
掉頭不任意如何。江山是處堪游覽，風月何人共嘯歌。
聞說南隣有幽趣，白雲千頃竹成坡。

姚公觀瀾被里人誣訟死於金陵作詩哀之

雙桂樓前不忍過，思君惟有淚成河。朋游自此相知少，

世事從前未悟多
玉筍冷猿啼樹裏
金陵白骨返山阿
一時憤死千年恨
茅茹相連奈否何

暇日蒙子玉見招得陪諸君子燕飲歡甚大醉中
放浪形骸之外而不自知也因自述一詩并作解
嘲云

六十行年兩鬢衰
秋風吹老芰荷衣
白雲黃鶴堪為友
流水青山總是詩
物外游心如太古
人前索笑似嬰兒
坐中不著踈狂士
那得諸公一解頤

九日

去年此日還為客，今歲重陽暫到家。
黃菊不堪簪白髮，西風休更落烏紗。
新筍蟻甕何妨醉，舊事龍山亦可誇。
佇立蓋峰千仞表，無窮幽思接烟霞。

藤杖為友人賦

老藤絕勝江心竹，嶺表分來九節完。
落手有聲鏗爪甲，化龍無意作波瀾。
百年歲月堪扶老，萬里山川得縱觀。
亦擬穿雲采靈藥，相邀拄到九真壇。

采菊

客中底事又還家，自引童孫采菊花。
亂葉不堪兼瑣碎，繁英最喜得精華。
繡囊滿襯香生枕，金盞輕浮色映霞。
明目絕勝食枸杞，延年何必煉丹砂。

送陳仲蕙輸賦

江上梅花萬樹開，送君東上鳳凰臺。
九天閭闔風雲會，千里舟車貢賦來。
雨露無私霑草木，朝廷有道用賢才。
此行不負青年志，袖惹天香得意回。

挽陳敏恭


天地同生即弟兄可憐未識爾先傾
白雲黃葉空山墓落日西風過客情
往事不堪同幻夢流泉猶自帶哀聲
從來賢達皆知命祇恨庭闈隔死生

夢故妻

歲晏江鄉夢故妻夢回愁絕聽鳴雞
菱花不照雙鸞舞松月誰憐一鶴棲
黃葉故山埋骨地白頭孤枕悼亡詩
傷心最是門前水嗚咽長流無盡時

寄永豐教諭戴正心

戴君掌教恩江上正是皇朝全盛時文化今漸極南北
才名久著浙東西雲霄萬里瞻丹闕庠序三年坐絳帷
但使英才登俊造莫嗟微祿久淹遲



玉筍集卷四

欽定四庫全書

集部

玉筭集卷

五至九

詳校官中書臣孫銜

中書臣劉源溥覆勘

總校官進士臣朱鈐

校對官編修臣錢樾

謄錄監生臣沈錫爵

欽定四庫全書

玉筍集卷五

文言物體

寄石門梁先生

山中講道當隆平時人共說梁五經諸生長年沐化雨
賤子獨夜瞻文星石門天清一鶴遠玉筍雲斂諸峰青
明年容我操几杖擬乞文字留芳馨

明 鄧雅 撰

江上有懷謝檢校叔賓

江樹歷歷江風清獨立相思無限情功名期子上麟閣
烟波老我尋鷗盟杜陵長吟悲白髮謝安久處憂蒼生
行看三載脫衰絰遙望五雲朝玉京

用何玄之韻寄何叔敬兼柬劉子博

渺然離思縈煩襟思君子兮在雲林吹簫石上老蛟舞
采藥雲中幽鳥吟亭臺有酒秋月白門巷無塵春草深
因風為問劉子博學有餘閒時見臨

寄劉宇泰

十年不見劉隱居，閉門讀盡山中書。
固知風月滿懷抱，還想雪霜侵鬢鬚。
江山遠隔離，思苦鴻雁不來音。
問疎何時訪我羣，玉洞共拂巖花傾酒壺。

山中對月有懷高文升

山月皎皎山風清，石泉竹根流細聲。
故人一月不會面，賤子此夜難為情。
援琴再彈調更苦，舉杯強飲愁還生。
是身安得生羽翼，奮飛直到文江城。

題吉水王氏山居

六月二日遊山間山人為我開雲闕清風一榻對松竹
明月九霄聞珮環壺觴日娛賓客集城市不往軒車間
知君養鹿樂栖遯故我抱琴常往還

柬張伯川

同郡能詩張伯川妙思湧出如春泉昔年曾作刀筆吏
此日復種桑麻田松花釀酒醉明月荷葉製衣眠紫烟
山中風景自可樂祇恐束帛來戔戔

次韻答黎元復

幽人卜居誰與隣
坐對青山忘世紛
茹芝欲學黃綺輩
生世幸逢堯舜君
綸巾鶴氅靜觀易
繭紙烏絲閒綴文
相看又是數年別
事業日進過前聞

贈一村道人

山中有一村道人
蕭然布衲烏紗巾
心將白業付孫子
坐對青山忘主賓
嘯歌終日泉石趣
呼吸太和天地春
吾儒妙解三教理
不須更說西來因

同里姚觀瀾昆弟新樓詩以賀之

姚家兄弟無與儔前後突兀成高樓棣華春日自相照
燕子東風還獨留八窗雲氣連玉笥四壁圖畫看瀛洲
若非仙骨寧好此祝君小住三千秋

哭同邑何先生敬修因追悼曾侍郎得之

前年祖送曾禮部此日又弔何先生文章傳世如不死
德義持身俱可貞五橋流水自鳴咽翠屏落月猶淒清
哀歌一曲別千古二老有知那忍聽

夜宿孤山次王永安韻

四山陰陰雲氣昏杖藜偶出遊南村故人邀我啓蓬戶
清夜置酒盈匏樽菊松泉石自可賞富貴功名安足論
人生所貴在勤學明日讀書還閉門

余鼓琴山中常恨無知音者鍾期既遇奏流水以
何慙乃借大鏞韻賦詩一首以寫琴中之趣并奉
諸君一笑云爾

天風蕭蕭吹樹林石泉泠泠清我心呼兒灑掃舊茅屋

坐石拂拭焦桐琴鍾期自可聽流水季子何用誇黃金
故人於我喜同調為君彈作蒼龍吟

楚王府典寶鄧尚忠訪余叙宗族之好詩以贈之
江風蕭蕭江樹枯使君走馬尋郊居不嫌野老守貧賤
肯同草坐論詩書燈前斗酒暫為樂天上丹心思遠圖
我家功業著漢代勗哉善保千金軀

玉筭集卷五

欽定四庫全書

玉筍集卷六

明 鄧雅 撰

五言長律

奉餞外舅之襄陽

外舅襄陽去江南草綠時夕陽沙上酒舊雨卷中詩雲
斷吳天隔舟行楚岸移浩歌明月上長嘯遠風吹到想
春將盡居應地最宜鹿門深草木漢水淨鳧鷖龐老神

仙宅羊公德政碑覽竒應有作感舊莫生悲六夫男兒
事千金賈客貲此行雖特達早發故園思

題吳仲亨種德堂

種德由先世承家見後人才名終不忝醫學更無倫崖
石靈芝秀庭階玉樹新緣資培養力始見發生仁焚券
非求譽懸壺足養真銜珠蛇不異守杏虎常馴浩蕩乾
坤大涵濡雨露均清朝榮祿養堂上綠衣春

西庵耕叟為姚觀海賦

南徼風塵久西庵日月長健兒從戰伐垂老事耕桑蔓
草勤須翦松醪渴易嘗把書晴護麥看雨暮移牀翠竹
連蔬圃寒泉帶柳塘石闌風浙瀝雲谷樹蒼茫牛犢侵
晨牧豺狼入夜防烟霞成痼癖神物致休祥龐老身無
恙陶潛興不忘蒲葵添散逸筇竹任徜徉了事輸租稅
無憂足稻梁文尋高士傳詩詠甫田章既識浮生理須
求不老方勛哉加飲膳擊壤待時康

蕭氏東隱

其曾祖
之號

舊隱依東郭高風仰昔人棟梁經幾世文物見諸孫書
學蕭家草家非原憲貧田園深雨露籬落帶松筠涼月
琴尊夜朝曦戶牖春鳥啼知節序燕寢適寒溫耕鑿當
平世詩書裕後昆何須慕軒冕俯仰信乾坤

夜宿黃氏山莊

為愛溪山好來遊趁晚涼淡烟芳草徑華屋白雲莊環
合峰千疊陰森樹兩行製衣思薜荔濯足愛滄浪地勝
鷺塵遠居幽興味長移牀風滌暑展席月流光共說青

囊祕頻分紫笋香明朝攜竹杖重與望前岡

送闕進士

昔記王洲別今看萬里行赤心歸聖主白首濟蒼生名
為文章著時逢海岱清從容談禮樂次第取公卿日月
明金殿鶯花繞鳳城遙知公退暇細閱石渠經

重題黃伯原友鶴軒

幽軒誰作伴老鶴日相親起舞能娛客飛來不避人雪
霜明羽翮風月助精神豈羨乘軒貴曾看度海頻神仙

元是友鸞鳳可為隣警露聲何遠摩霄意自馴物情殊
品類人道共彝倫一曲南飛調因之更祝身

玉筍集卷六

欽定四庫全書

玉筍集卷七

明 鄧雅 撰

七言長律

寄劉隱君雲莊

前代衣冠數二劉，雲仍幾葉學弓裘。
吟詩自可傳千里，習隱惟聞守一丘。
門外竹松還引徑，花間池沼更通流。
藏修有道書連屋，富貴無心雪滿頭。
久喜孫登同嘯傲，

却如顏闔避徵求，冥鴻一去雲霄迴。
白鶴孤飛鳥嶼幽，對月想彈流水操。
乘風未汎剡川舟，相思日夕情如海。
何日芳尊話倡酬。

題白沙陳氏翠竹間

千畝何須說渭川，白沙翠竹尚依然。
偶從深處開三徑，似覺高風繼七賢。
長夏清陰宜枕簟，四時佳興寓觴絃。
繞檐迴覺紅塵遠，巢鳳爭看彩羽鮮。
待長龍孫應萬箇，欲裁汗簡可千年。
知君浩有淇園想，題徧琅玕復幾聯。

挽鄒主簿應端

青楓江上結愁雲一曲哀歌泪欲吞
富貴昔年成底事山川何處弔孤魂
茫茫天地無窮恨耿耿心懷莫共論
明月未歸華表鶴高風寧羨北溟鯤
半生身世才名誤萬卷詩書手澤存
令子承家親尚健衣冠仍數道鄉門

寄張助教美和

聖主無為萬國清先生歸隱一身輕
寵榮百世留宸翰辛苦平生在聖經
閉戶日長恒著述杖藜身老尚逢迎

吟看碧嶂清江雨夢繞紅樓紫禁城四皓已能成遠業
二疏還可並高名朝廷自昔尊者舊鄉邑如今重典刑
遠想風流嗟未識獨慙踈懶苦無成風騷謾效當時體
韶獲猶懷太古聲俯仰乾坤同此道睽離南北復何情
寄詩為說相思意更約山中煮茯苓

輓劉廉使楚奇

白鷺青原鍾淑氣鳳凰芝草見禎祥朝廷有道需才傑
嶺海無虞佐憲綱暫假風霜清瘴癘祇將忠孝感穹蒼

歲寒共喜堅松柏世事那知變海桑慷慨捐軀探虎穴
淒涼歸骨葬螺岡忠魂萬古留遺恨潛德十年有耿光
許遠不忘唐社稷蘇卿猶著漢文章哀歌有盡情無盡
稍稍悲風起白楊

輓曾侍郎得之

聖主求賢問治安先生承詔起江干百年事業存經濟
萬里雲霄振羽翰制作盡稽周典禮風流不減晉衣冠
丹墀奏對天顏近畫省論思月色寒道學每期千載重

文章底用後人看病思啓篋焚遺藁詔許還山別上官
記就玉樓仙夢遠粉書丹旒客心酸祠堂萬古屏山麓
松柏參天集鳳鸞

贛芋知事希曾十韻

臨江知事揚州客漂泊風塵歷歲年老大獨憐雙鬢改
亂離兼喜一家全山中寓隱從門掩松下遨遊任履穿
經雨欲鉏栽竹地久晴思引灌花泉朋來問字能攜酒
客至求詩每費牋政譽已聞天上有才名姑與郡中傳

飛騰萬里曾如願留滯三年暫息肩貧似杜陵收橡栗
興同彭澤憶蕪田黃麻有待恩光及白屋深期惠澤宣
感激為公歌此曲異時相率共留鞭

楊花用丁御史韻

綠楊隄上起鮮飈無數飛花映日嬌稍近樓臺度簾幙
忽霑杯竿絢瓊瑤灞陵吟望春偏好彭澤行尋路匪遙
照眼適同張緒態多情渾似小蠻腰輕隨戲蝶飄隣圃
急送遊人過市橋村白不禁芒屨踏店香須赴酒家邀

難收弱絮從衣薄錯認柔絲把鬢撩
搖蕩度江千萬里
顛狂辭樹兩三朝殘春莫怪猶飛雪
明日重看定化藻
底事詩人頻賦詠繡衣曾惹上丹霄

玉筍集卷七

欽定四庫全書

玉筍集卷八

明 鄧雅 撰

七言絕句

玉筍十詠

曾伯曼
命題

玉筍晴雲

三十六峰香難分
上有佳氣常氤氳
安得良工拂絹素
畫我山中眠白雲

紫蓋春雨

紫蓋突兀青天位老鶴結巢松樹枝
坐看山色淨如染正是東風過雨時

何君駕虹

紫霄何年駕綵虹三十萬里登瀛蓬
至今巖洞有遺蹟碧桃爛熳搖春風

石人翫月

望夫化石千古名翫月如人千古清
梅花峰上月皎皎

此物無情如有情

雙林蓮社

尋僧幾向山中來
芒鞋踏破青青苔
雙林絕似東林好
亦有白蓮無數開

孤山梅隱

孤山山中小有天
時有隱者來盤旋
梅花如雪千萬樹
徙倚月下懷逋仙

綿峰瀑布

誰拖素練千尺長乃是絕壁飛流浪上人洗鉢坐崖石
慣聞水樂鳴鏗鏘

繭溪澄練

繭溪下從西北流明月正照蘆花秋秋光涵映一匹練
天地與我同虛舟

南祠夢閣

化龍樓閣成墟丘世人無夢登瀛洲倦來偶枕松下石
天風六月涼如秋

東嶽行宮

岱宗如何齊魯青魯侯昔祭山之靈江淮遠隔數千里
空山落木看祠庭

題秋月上人所藏洞庭秋月圖

君山木落洞庭秋今古無窮水自流明月一輪天宇靜
定中疑是泛虛舟

雪

一夜天花滿世間羣峰失却翠雲鬟何由騎得仙家鶴

金匱石室書
卷八
看遍東南萬玉山

題扇

林間樓閣護烟霞
門外山童埽落花
小澗石橋人緩步
抱琴來此訪仙家

題昭君圖

一曲琵琶千種恨
百年圖畫幾人看
君王不是無恩寵
海宇因之得奠安

閒居

一林修竹滿庭陰
四壁圖書太古心
俯仰乾坤觀物理
悠然魚鳥自飛沉

題觀海圖

滄溟之深幾千丈
萬頃鏡面涵空虛
何不翻身入海底
九重淵內探驪珠

題畫扇

青松掩映白雲間
雲自無心我自閒
靜聽松聲作琴響
孤鷺別鶴不須彈

為吳叔昌題畫扇

山中老樹半榮枯
烟際茅亭似有無
白髮兩翁攜稚子
衣冠疑是列仙徒

客夜

芙蓉葉上雨瀟瀟
一盞殘燈照寂寥
久客不堪鄉思苦
誰家兒女又吹簫

洞簫吹徹思悠悠
雲散江天月滿樓
倚徧闌干風露冷
數聲孤雁落滄洲

采蓮曲

粉黛妝成宮樣新
汗凝微澹紫羅巾
絕憐來往西湖上
貪看荷花不顧人

綠荷深處水生波
三五蘭舟載綺羅
華月漸明風漸息
吳人愁聽越人歌

賦謝仲寧紙帳

溪藤百幅淨如練
裁作斗帳同君清
覺來滿洞白雲起
耳畔更聽松風聲

重遊何君郊居有感

板橋流水石磯平，幾度經行酒半醒。
試問隔隄楊柳樹，為誰搖落為誰青。

哭出家從祖德林真人

萬里天風送珮珂，一丘烟雨暗松蘿。
傷心二十四澗水，不及諸孫涕泪多。

對桐樹

丈夫志氣頗英豪，流落茲山歎未遭。
却羨翠桐門外樹，

小窗坐見出簷高

玉筍集卷八

欽定四庫全書

玉筭集卷九

明 鄧雅 撰

朝京紀行

應制賦鍾山雲氣沍寒詩首句乃御製也

沍寒雲鴻濛維時屆嚴冬乾坤既定位造化乃有功聖
人昌國運父老歌年豐鼇足立四極鍾山蟠一龍風雲
常變化草木自蔥龍帝德邁三五君門深九重金陵勢

佳麗芒碭氣鬱蔥永世立基業羣經知統宗華夷遵教
化臣子效精忠三誥比謨典萬幾思始終憂民至懇切
論道每從容田野被闡澤閭閻還古風咨詢及耆老歌
舞效兒童承詔上金殿命題勞聖衷臣才實蹇澀臣貌
復龍鍾豈有涓埃報深知眷顧隆上林春欲動大地雪
猶封何物耐寒氣青青萬年松

早朝

九重城闕五雲中萬國衣冠拜袞龍道德仰瞻天地大

車書復見古今同鳳凰池暖春先動
鵲樓高雪正融
頭白趨朝沾聖澤幾回吟對萬年松

贄周參議

名倬字雲章豐城人

祕閣曾看萬卷書文章政事近無如
豐城兩劍降妖魁
北極諸星拱帝居海宇無疆歸正統
朝廷有道用真儒
攀龍直到九天上附驥何當萬里餘
涸轍久思求活計
侯門那得曳長裾春風倘借吹嘘力
寒谷春生槁朽蘇

新塗曉發

合
卷九
九
塗水東頭曉發船
邑人爭看去朝天
老人呈現當平治
聖主恩深被寵宣
身到九重依日月
路經千里越山川
此行得遂平生志
歸課兒孫種秫田

南津夜泊

南津橋頭明月多
客船夜泊發謳歌
五更霜寒聞畫角
千里帆開揚素波
朝廷有道恤耆老
天地無私含太和
妙音佇聽奏韶濩
九重城闕高嵯峨

晚宿清江

金鳳洲前落日低清江城下泊船時白頭總是朝天客
黃柳齊攀繫纜枝萬里雲霄悲旅雁千家砧杵搗寒衣
明朝擬拜黃堂守却駕天風去似飛

泊樟鎮謁寶金山

清江之水清悠悠行人發棹江之頭封溪晚泊集千艇
寶金晨謁登層樓山川感慨今古事草木變衰天地秋
我來再拜何所祝四海永清蒙帝休

晨起

曾從玉洞看雲松又向金門拜袞龍四海豈無青眼士
滿船俱是白頭翁夜瞻斗柄天旋左朝望扶桑日上東
最喜太平今有象賜歸何幸樂年豐

到江西

朔風吹雁不成行獨起掀蓬思渺茫萬里青天看北斗
數聲柔櫓下西江滕王舊閣何年廢孺子高名百世香
我欲題詩紀形勝氣衝牛斗筆如杠

欲到豐城不果

可惜豐城地船中瞥眼過樓臺新雉堞戎馬舊山河龍
劍知誰得虬鬚奈老何臨風屢回首重到恐蹉跎

孺子亭觀東湖

西山含夕照征棹泊鍾陵未上滕王閣先遊孺子亭古
今留勝跡江海寄閒情試問東湖水何人此濯纓

滕王閣

天下幾多竒絕處滕王獨愛此淹留山瞻廬岳九千丈
地控荆蠻十二州天上星辰分翼軫閣中風景自春秋

朱簾畫棟非疇昔江水依然萬古流

鐵柱觀

鐵柱井中央蛟龍久遁藏神功配天地劍氣厲風霜世已除妖孽仙猶託混茫應知萬萬古為國鎮西江

樵舍

樵舍臨江許柴門數十家驛亭依柳樹客棹泊汀沙歲晏風霜肅天長道路賒舟師告羣老十日到京華

昌邑山

水落江心正人行岸脚斜祠神過水府倚棹近漁家飲
啄宜沙鳥漂流愧客槎戍兵嚴警邏為報上京華

望湖亭

鄱陽水落一足練廬阜雲開九疊屏不是坡仙有題詠
老夫無意上湖亭

望湖亭讀坡仙詩景仰高風重題四韻

不識眉山蘇學士望湖亭上憶高風心胸自可吞彭蠡
眉宇何如見華峰舊日題詩留篆刻平生為國守精忠

文章千古誰能似湖水滔滔日向東

吳城山

西湖水落天風寒維舟又上吳城山
禪林樓閣爛金碧洞府神仙鳴佩環
浩浩乾坤寬眼界翩翩鸞鶴下雲間
登臨正樂催行急詔許龍墀趁曉班

吳城山聽碧山上人講法華經

飄飄空裏落天花靜聽山僧講法華
我亦平生無住著白雲深處即為家

星子縣阻風

冬十二月朝天闕我船正泊星子灣
祈靈已謁晏侯廟
舉目更望匡廬山風濤洶湧阻行色
歲事崢嶸悲旅顏
是身安得生羽翼飛上九天渾未艱

鄱陽阻風

廬阜千巖雪鄱陽萬里風
驚看白頭浪愁殺白頭翁

廬山

五老擎天壓厚坤江南惟有此山尊
千巖樓閣多仙佛

四面峰巒似子孫飛瀑恍疑銀漢落懸崖時有白雲屯
何當獨跨山頭鶴萬里飄飄朝帝閣

過彭蠡

東湖水西湖水日夜流匯彭蠡揚瀾左里何渺茫萬頃
鏡面含天光廬山高聳湖水上屏風九疊倒影湖中央
湖光山色兩奇絕翠靄丹霞互明滅夜深明月落波心
疑是驪龍吐珠光熒熒湖水復湖水滔滔流向東何當
載我上京國却尋五老巢雲松

九江口

路出九江口山瞻五老峰
天高飛鶴鶴浪暖化魚龍
極目微茫外揚帆浩蕩中
觀流問源委巴蜀此相通

夜泊南康

向夕扁舟繫南康一水遙
角聲雲外響燈影浪中搖
漂泊憐衰鬢謳歌答聖朝
北風阻行色明發待齊橈

湖口

縣舍臨湖口僧居倚石巖
路斜通柳市風急挂蒲帆
異

境堪圖畫同舟共笑談
爭知種田者頭白著征衫

彭澤

山通彭澤縣天設海門關
萬水瀦清濁千艘渡險艱
望洋今日嘆承詔幾時還
欲訪陶潛宅聞風有愧顏

采石

蛾眉亭上奏朱絃
采石江邊月滿船
惆悵謫仙何處在
醉中猶伴老龍眠

采石酒樓

采石江頭問酒家酒樓兒女貌如花
金杯滿勸歌聲緩
銀燭高燒舞影斜

觀潮有感

潮去潮來朝復暮
花開花落雨兼風
由來萬化皆消長
惟有青山今古同

太白墓

嗚呼李太白
今古詩之豪
心胸自可小
溟渤富貴何如
輕羽毛
平生所樂在詩酒
醉來筆湧春江濤
貴妃捧硯

足禁寵天子賜之宮錦袍風流既往不復見殘膏賸馥
沾吾曹吾曹碌碌不足數采石江頭拜詩祖當年捉月
事渺茫千載清風一坏土

安慶弔青陽先生余廷心

江雲淡淡江水清弔古又上舒州城青陽先生不可見
羣玉山人空復情一門骨肉死貞節千古文章留姓名
高風激烈孰能比李黻守潭當並稱

玉筍集卷九